

### Кондак 1

Избранный от Господа Бога на хранение души моея и телесé, святы́й Ангеле, похвальный ти воспевати дерзаю, недостойный раб твой; ты же, яко имей дерзновение к Царю Небесному, от всяких мя бед и скорбей, от враг видимых же и невидимых защити, зовуща:

Радуйся, Ангеле Господень, неусыпаемый хранителю мой.

### Икос 1

Ангеле святы́й, посланный с Небесé, во еже хранити мя и руководити во всей жизни мое́й, припадая молю ти ся: сам настави и вразуми мя, начинающа от сердечныя любви и усердия возглашати песенныя ти хвалы:

Радуйся, Ангеле Божий, предстателю мой у Пресвятыя Троицы; радуйся, Царя царствующих безплотный воине.

Радуйся, Господа господствующих небесный слугó; радуйся, умных и невещественных слуг Его сожителю.

Радуйся, творяй присно волю Владыки своего; радуйся, приемый от Бога повеление и власть хранити душу мою.

Рáдуйся, никогдáже отлучáйся менé, грéшнаго;  
рáдуйся, вýну спребывáяй ми, недостóйному.

Рáдуйся, соблюдáяй мя на всех путéх мо́их; рáдуйся,  
сохраня́яй мя от всякаго зла.

Рáдуйся, от Бо́га да́нный ми руководíteлю на путéх  
жити́я моего́; рáдуйся, благóй мой наставля́ице.

Рáдуйся, А́нгеле Господень, неусыпа́емый хранíteлю  
мой.

### **Кондак 2**

Ви́дев человеколюбóвый Господь, я́ко, по  
прегрешéнии пра́отца на́шего Ада́ма, вси челове́цы  
удóбь прекло́нни суть ко греху́, по Своéй  
неизречéнной мило́сти посла́л есть во всю зéмлю  
святы́х А́нгелов и коему́ждо от челове́к приста́ви  
хранíteля. Исполня́юще у́бо повелéние Влады́ки  
своего́, святы́и А́нгели всегда́ гото́вы суть помогáти  
нам, богоу́годно пою́щим: Аллилу́иа.

### **Икос 2**

Ра́зуму моему́ просвещéние свы́ше исходáтайствуй,  
святы́й А́нгеле, да возмогу́ познáти, что есть во́ля  
Бо́жия, благáя и уго́дная и совершénная, и сéрдце  
моё напра́ви, е́же со усéрдием творíти ю; тебé же,  
хранíteля моего́, да не престáну восхваля́ти  
сицевы́ми гла́сы:

Рáдуйся, воспламеняяй сéрдце моé любóвию к Бóгу,  
Создáтелю моемú; рáдуйся, возбуждáяй мя на всяк  
день же и час приносíти Емú молíтвы, прошéния и  
благодарéния.

Рáдуйся, я́коже стра́жем вéрным, стра́хом Госпóдним  
душéвный мой дом ограждáяй; рáдуйся, вся  
помышлéния моя к распятому за грехí мíра  
Спасíтелю устремл́яяй.

Рáдуйся, страдáния Егó и крéстную смерть в пáмять  
мою́ вперя́яй; рáдуйся, воспомина́нием Страстéй  
Госпóдних блюстíся от грехóв мя поучáяй.

Рáдуйся, благодáтного Св́йше осенéния Свята́го  
Дúха просíти мя наставля́яй; рáдуйся, я́ко на крóткия  
то́чию и смиренны́я сéрдцем мíлостивне призирати  
Емú, Утéшителю, уверя́я мя.

Рáдуйся, мýслию о вездесúщи Бóжии всýду  
окружáяй мя; рáдуйся, всевéдение Егó úмным  
очесéм мо́им представля́яй.

Рáдуйся, милосéрдием Егó к кáющимся грéшником  
сéрдце моé утешáяй; рáдуйся, правосúдием Егó к  
ожесточéнным и нераскáянным дúшу мою́  
устрашáяй.

Рáдуйся, А́нгеле Госпóдень, неусыпа́емый хранíтелю  
мой.

**Кондак 3**

Сїлу Божественныя благодати испросї ми,  
хранїтелю мой Ангеле, во єже неуклѡнно и  
непреткновенѡ ходїти ми спасїтельным путем  
Христѡвых заповедей, сѣрдцем же и устѣ  
непрестанно славити всесвятѡе їмя Бѡга нашего и  
пѣти Ему: Аллилуїа.

### Икос 3

Їмам тя, Богоизбранный покровителю мой, якоже  
свѣтлую зарю, просвещающую душї моея темноту и  
разгоняющую мрак сѣрдечнаго неведѣния моего;  
сего ради, со умилѣнием припадаю, молю ти ся, да и  
вся моя чувствїя, потемненная страстьми,  
очїстятся, во єже не блуждати ми во тьме грехѡвней.  
Пречудную же свѣтлость твою воспеваю сїце:

Радуйся, звездѡ Невечѣрнаго Свѣта, от трисїяннаго  
Божества возсиявшая и мене вѣну озаряющая;  
радуйся, пресвѣтлая луче, помраченная грехми  
сѣрдечная ми очеса осиявающая.

Радуйся, яко тщишася направити мя на їстинный  
путь во тьме беззаконїй заблуждающаго; радуйся,  
яко предлагаеши ми заповеди Господни, аки зерцало  
для всея жїзни моея.

Радуйся, яко поставляеши ми закон Бѡжий, аки  
свѣтїльник ногам моїм и свет стезям моїм;  
радуйся, яко словес Евангелїа Христѡва в сладость  
послушати поучаеши мя.

Ра́дуйся, я́ко уче́нию Боже́ственного Учи́теля моего́ и Го́спода несумне́нно ве́ровати побужда́еши мя; ра́дуйся, я́ко в повинове́нии уста́вом святы́я Це́ркве укрепля́еши мя.

Ра́дуйся, я́ко пра́вилем и преда́нием святы́х Апóстол и оте́ц покарятися наставля́еши мя; ра́дуйся, я́ко во испове́дании святы́я и правосла́вныя ве́ры утвержда́еши мя.

Ра́дуйся, я́ко за сие́ испове́дание и на смерть гото́ва мя бы́ти убежда́еши; ра́дуйся, я́ко еретико́м и отсту́пником и́стинныя Це́ркве сообщáтися возбраня́еши ми.

Ра́дуйся, А́нгеле Господень, неусыпа́емый храните́лю мой.

#### **Кондак 4**

Бу́ря житейскаго мо́ря сокруша́ет духо́вный мой кора́бль волна́ми мирских попече́ний, и мир убо́гия душі́ моея́ мятётся, и где обря́щу ти́хое приста́нище спасе́ния? То́кмо на тя по Бо́зе возлага́ю наде́жду, храните́лю мой А́нгеле, я́ко премудраго тя ко́рмчаго в мы́сленных бу́рях, смуща́ющих мя, стяжа́х: благодарственне у́бо пою́ Бо́гу моему́: Аллилу́иа.

#### **Икос 4**

Слы́шаще и зря́ще тя, Боже́ственный А́нгеле, кре́пкого моего́ блюсти́теля, зло́бнии ду́си поднебе́снии не сме́ют прибли́житься ко твоёй

пречістей свѣтлости и душегубительные ми пакости  
дѣяти. Сего ради смиренно молю тя, не отступи от  
мене за невоздержаніе моё, но присно от лукаваго  
тех ловительства и козней соблюдай мя, со  
умилѣніем глаголюща:

Радуйся, крепким кровом крил твоих осеняя мя и  
покрывая; радуйся, окрест мене с пламенным  
мечем присно ополчаясь.

Радуйся, противу князя тьмы во брани ми  
пособствуя; радуйся, лукавых его служителей  
побеждать ми помогая.

Радуйся, отгоняя от мене душепагубныя демоны,  
аки хищныя птицы; радуйся, вразумляя мя  
бесовския козни познати, аки лукавыя лисіцы.

Радуйся, зверообразная тех на ум и сердце моё  
нападения отревая.

Радуйся, порождения их, гордость и ненависть, из  
сердца моего исторгая.

Радуйся, зависть и злопомнение от мыслей моих  
прогоняя; радуйся, во отражение злых помыслов  
крестным знаменіем себе ограждать побуждая мя.

Радуйся, на аспида и василиска не боязненно  
наступати укрепляя мя; радуйся, имея  
непобедимое оружіе противу всех врагов моих.

Рáдуйся, А́нгеле Господень, неусыпаемый хранителю мой.

### **Кондак 5**

Боготéчней и лучезáрней звездé, путеводíвшей дрéвле волхвы́ на поклонéние рóждшемуся в Вифлеéме Спасителю мíра, дерзáю уподóбити тя, благíй мой хранителю: неотлúчным бо и светонóсным твоím ми спребывáнием указúеши ми прáвый путь, ведúщий в Гóрний Вифлеém, в Небéсное Цáрствие, да тáмо с лíки Архáнгел и А́нгел сподóблюся воспевáти Превéчному Царю́ слáвы: Аллилу́иа.

### **Икос 5**

Вíдя мя нóщию содержíма мра́чною и тёмным óблаком страстéй покрывáема, святýй хранителю дúши моея́, не огорчíся, не оста́ви менé, но подражáяй долготерпéнию Спасителя моего́, пождí ещё, возбуждáя мя к покаянию, дóндеже очесá моя́ излиýт истóчники слез на омýтие душéвныя нечистоты́ моея́. О сем смирённо молю́ тя и глаго́лю:

Рáдуйся, я́ко вýну принóсиши Бóгу о мне грéшнем моли́твы своя́, я́ко кади́ло пред Ним благовóнное; рáдуйся, я́ко прíсно ходáтайствуеши пред Создáтелем моím о éже спастíся ми.

Рáдуйся, я́ко прáведный гнев Егó, двíжимый на мя, своím предстáтельством отвращáеши; рáдуйся, я́ко

про́сиши всеми́лосе́рдаго Го́спода подáти прощéние  
злых мо́их де́яний.

Ра́дуйся, я́ко уми́лостивля́еши Егó бла́гость, да не  
погуби́т мя со беззако́ньными мо́ими; ра́дуйся, я́ко  
непреста́нно мо́лишися Иису́спителю моему́, да  
да́рует ми вре́мя ко исправле́нию.

Ра́дуйся, я́ко возбужда́еши мя в покая́нии  
препрово́дити вся дни живота́ моего́; ра́дуйся, я́ко  
внуша́еши ми жела́ние, да вѣ́ну ка́юся пред  
Го́сподем во всех мо́их прегреше́ниях.

Ра́дуйся, я́ко вразумля́еши мя на всякое вре́мя  
мы́сленно себѣ испы́товати и во гресѣх мо́их  
исповѣ́даться; ра́дуйся, я́ко вла́гаеши в се́рдце моѐ  
сокруше́ние и скорбь, занѐ прогне́вах Преблага́го  
Бо́га моего́.

Ра́дуйся, я́ко побужда́еши мя опла́кивати ока́янное и  
скве́рное жити́е моѐ; ра́дуйся, светонóсный и  
неумолка́ющий ходáтаю спасéния моего́.

Ра́дуйся, А́нгеле Госпо́день, неусыпа́емый храните́лю  
мой.

### **Кондак 6**

Пропове́дую велегла́сно при́сное твоѐ, храните́лю  
мой А́нгеле, о мне, грѣшнем, попече́ние: в ско́рбех бо  
и напáстех, я́же в сем многмяте́жном ми́ре смущáет  
мир ду́ши моея́, явля́еши ми ся ско́рый утѣшитель,

вразумляя мя, яко вся сія низпосылаются от премудраго Создателя, аки врачевство противу душевных недугов моих, и поучая благодéющему сїце Небéсному Врачу воспевати: Аллилуїа.

### **Икос 6**

Возсиявает в души моей, омрачаемой скорбию и унынием, свет благодатнаго утешения, и сердце мое исполняется веселия и радости, егда непрестанными твоими, святыи Ангеле, наставлении возбуждаем дерзаю, яко мытарь, вопити к щедрому Богу, да милостив будет и простит ми прегрешения моя. Не премолчи убо, наставниче мой, вразумляя и укрепляя мя, зовуща ти:

Радуйся, помогаяй ми благий ярём спасительнаго терпения с любовью носить; радуйся, в бедах и злключениях упованием на Господа Бога укрепляяй мя.

Радуйся, скорби и болезни мужественно преодолевать мя поучаяй; радуйся, всякую печаль и уныние от сердца моего отгоняяй.

Радуйся, противу врага, в сеть отчаяния уловити мя хотяща, братися побуждаяй мя; радуйся, словесем Апостола, яко вси хотящии благочестно жити гоними будут, веровати убеждаяй мя.

Радуйся, образ терпения и злострадания прияти ми пророки и Апостолы внушаяй; радуйся, на лик

мученик и исповѣдник, за Христа до излияния крове  
своея подвижавшихся, во утешение ми показуй.

Радуйся, страдания Самаго Спасителя и Господа  
вину умным очесем моим представляя; радуйся,  
надежду будущаго воздаяния сердце мое  
усплаждая.

Радуйся, всерадостным ожиданием вечных благ  
душу мою оживляя; радуйся, благий и присный мой  
утешитель.

Радуйся, Ангеле Господень, неусыпаемый хранителю  
мой.

### **Кондак 7**

Хотяй всем человеком спастися, премилосердый  
Создатель мой послá Тя, Ангела Своего, яко верна  
ми стража и пестуна добра во всем житий моем, да  
всюду вспомооществуеши ми святыми твоими  
вдохновении, защищаеши противу козней диавола и  
предуготовляеши мя дѣлы благими внити с мудрыми  
дѣвами в Небесный Чертог, с Богокрасною пѣснию:  
Аллилуиа.

### **Икос 7**

Новую показует благодать Господь и Владыка мой на  
мне, непотребном и паче всех грешнейшем рабѣ  
Своем: презирая бо люта я моя и тяжкая, не погубил  
я есмь со беззаконными моими даже до настоящаго  
дне и часа, но долготерпя на мене, милостивне

ожида́ет моего́ обра́щения и се́рдечнаго покая́ния.  
Ве́рую, благи́й храни́телю мой, я́ко твои́м при́сным  
пред Бо́гом за мя ходата́йством доселе́ храни́м есмь:  
те́мже, любо́вию к тебѣ подвижа́емый, взыва́ю:

Ра́дуйся, я́ко обурева́ющаяся мя в мо́ри жити́я сегó от  
конéчнаго потопле́ния соблюда́еши; ра́дуйся, я́ко из  
ро́ва беззако́ний мои́х руко́ю твоея́ по́мощи мя  
исхища́еши.

Ра́дуйся, я́ко грехо́вный сон душевре́дныя моея́  
ле́ности отряса́еши; ра́дуйся, я́ко ум мой,  
омраче́нный небреже́нием, све́тлым твои́м  
прису́тствием озаря́еши.

Ра́дуйся, я́ко хла́дное и ма́ло не угасшее се́рдце мое́  
моли́твами воспламе́нати ми помога́еши; ра́дуйся,  
я́ко на славосло́вие Бо́жие при́сно мя возставля́еши.

Ра́дуйся, я́ко настра́еши глас мой к песнопéниям,  
ими́же досто́йно и пра́ведно есть хвали́ти Творца́  
вся́ческих; ра́дуйся, я́ко поуча́еши мя прославля́ти  
Го́спода моего́ не усты́ то́чию, но и се́рдцем.

Ра́дуйся, я́ко ко исполне́нию пресвяты́я во́ли Его́  
возбужда́еши мя; ра́дуйся, я́ко самоотверже́нию и  
отрече́нию моея́ злы́я во́ли приобучи́ти мя тщи́шися.

Ра́дуйся, я́ко голу́бину простоту́ и а́гнчу кро́тость  
стяжа́ти ми преи́скренне жела́еши; ра́дуйся, я́ко о

ёже младёнческому незло́бию и ста́рческому  
доброра́зсужде́нию дарова́тися ми ходата́йствуеши.

Ра́дуйся, А́нгеле Госпо́день, неусыпа́емый храните́лю  
мой.

### **Кондак 8**

Стра́нен и пришле́ц есмь на земли́ сей: жити́е моё  
су́етно и малове́ременно есть; аз же, ока́янный,  
сме́рти безве́стное во ум никогда́же прие́млю, ни  
помышля́ю о Стра́шнем Суди́щи, в нём же й́мам  
Пра́ведному Судии́ предста́ти и да́ти отве́т о вся́ком  
де́ле же и сло́ве. Те́мже молю́ тя, души́ моея́  
храните́ля, возбу́ди мя ско́ро от сна грехо́внаго, да не  
посты́гнет мя час сме́рти неиспра́вленна и да  
сподо́блюся испроси́ти от Всеми́лостиваго Бо́га  
беззако́нием моём прощё́ние и во гла́се ра́дования  
воспева́ти Ему́: Аллилу́иа.

### **Икос 8**

Всех Госпо́дь и Созда́тель мой, егда́ назна́менует ми  
преста́витися от жития́ сего́, ты, благи́й храните́лю  
мой, прови́дйя гро́зныя му́ки, духо́вом зло́бы и  
нераска́янным гре́шником угото́ванныя и мене́  
ожида́ющия, покрый мя твоего́ милосе́рдия крила́ми,  
якоже оре́л птенцы́ своя́, и внегда́ исче́зати от мене́  
ду́ху моему́, да у́зрю тя близ мене́ предстоя́ща и  
лю́тыя враги́ отгоня́юща. О сем со умиле́нием молю́  
ти ся, веща́я си́це:

Рáдуйся, умным очесém моим гóрький и страшний  
час смéртный представляяй; рáдуйся, я́ко  
неизбе́жен, вкúпе же и безвéстен час той прísно ми  
напомина́яй.

Рáдуйся, на кийждо день, áки ужé на послéдний  
жити́я моего́ взира́ти мя поуча́яй; рáдуйся, на всякое  
вре́мя ко исхо́ду во ин мир мя приуготовля́яй.

Рáдуйся, душе́вное умиле́ние и серде́чное  
сокруше́ние во мне рожда́яй; рáдуйся, вýну жела́яй  
ми, да понé при кончи́не дней моих пока́юся.

Рáдуйся, любóти мир и я́же в ми́ре ми воспреща́яй;  
ра́дуйся, пристра́стие к тлénному богáтству из  
се́рдца моего́ искореня́ти помога́яй.

Рáдуйся, вся бла́га земна́я бы́ти привре́менна и  
скоропреходя́ща ми показу́яй; рáдуйся, я́ко вся  
красна́я ми́ра сегó крíну сéльному подобна́ суть,  
вразумля́яй мя.

Рáдуйся, сла́вы челове́чи, áки те́ни преходя́щая,  
иска́ти возбрана́яй ми.

Рáдуйся, от еди́наго Бо́га сла́вы нетлénная в  
бúдущем ве́це взыска́ти побужда́яй мя.

Рáдуйся, А́нгеле Госпо́день, неусыпа́емый храните́лю  
мой.

## **Кондак 9**

Всяк грех содѣях в житий сем и весь живѣтъ мой во мно́зе прите́к суетѣ, к концѹ прибли́жихся: вразі же мой устремля́ются на мя, а́лчуще по́яти мя и низри́нути во глубинѹ а́дову. Те́мже молю́ ти ся, бла́гий мой Храни́телю, бу́ди ми защи́титель, егда́ імам преходи́ти лю́тая мыта́рства, и безбе́дно доведи́ мя до врат Небе́снаго Ца́рства, иде́же ли́цы а́нгельстии ра́достне сретáют восклицáющих: Аллилу́иа.

### Икос 9

Витийствующий язы́к не мо́жет изре́щи, я́же сотвори́л ми еси́, святы́й храни́телю мой, во всем житий мо́ем: при́яв бо ду́шу мою́ от купѣли Свята́го Крещѣ́ния, храни́л мя еси́ во младе́нчестве, учи́л и вразумля́л еси́ во ѡ́трочестве, соблюда́л мя еси́ от поползнове́ния ко грехѣм в во́зрасте ю́ношеством, наставля́л еси́, прише́дша мя в му́жество, охраня́л еси́ на всех путѣх мо́их да́же до ста́рости, облича́я и утеша́я, всю́ду помога́я и направля́я на путь спасѣ́ния. Сего́ ра́ди благода́рственно вопию́ ти:

Ра́дуйся, я́ко никогда́же лишáеши мя твоея́ по́мощи и заступле́ния; ра́дуйся, я́ко от сна востаю́ща мя подвизáеши ко благодарѣ́нию Го́спода, укрепля́ющаго си́лы моя́.

Ра́дуйся, я́ко нача́ток коего́ждо дне моли́твою освяща́ти мя поучáеши; ра́дуйся, я́ко воспреща́еши

ми без моли́твы к всеблагóму Промыслíteлю,  
дерзновénно собо́ю что начинáти.

Рáдуйся, я́ко самонаде́яние из се́рдца моего́  
истребíти тщи́шися; рáдуйся, я́ко сладча́йшее íмя  
Го́спода Иисúса Христá усты́ непреста́нно  
произно́сити и во уме́ держáти мя побужда́еши.

Рáдуйся, я́ко во всякое вре́мя нужная то́чию и  
полéзная вещáти язы́ком ми внуша́еши; рáдуйся, я́ко  
от праздносло́вия, многоглаго́лания, па́че же и  
кощúнства мя удержава́еши.

Рáдуйся, я́ко яду́щу и пию́щу ми или́ íно что творя́щу  
при́сно спребы́ваеши; рáдуйся, я́ко воздержáнию в  
пи́щи и пити́и приобучíти мя печéшися.

Рáдуйся, я́ко спя́ща мя храни́ши и врага́, хотя́ща  
искусíти мя со́нными мечтáнии, отгоня́еши; рáдуйся,  
я́ко воспяща́еши мя от любостра́стного стремлénия и  
во óчию моéю целомúдренный стыд влага́еши.

Рáдуйся, А́нгеле Господень, неусыпа́емый храни́телю  
мой.

### **Кондак 10**

Спасти́ всех пришéдый Иисúсе мой преблагíй, со  
умилénием молю́ Ти ся, Твои́м милосéрдием прости́  
мои́х злых премно́жество и безмéрие, преклоня́емый  
на сиé Божéственными мольба́ми Твоего́  
невещéственного служíтеля, егóже ми приста́вил

есі из младѣнства, яко Челоуеколюбец, хранітеля:  
да достоін явлюся внїти в чертог славы Твоея и со  
духи праведных воспѣти: Аллилуїа.

### Икос 10

Стенá твѣрда прїсно являеши ми ся, святїй Ангеле,  
протїву ухищрѣний злѣбных врагов моих, ищущих  
вѣчныя погїбели моея и разслабляющих душу мою  
лѣностию и самозабвѣнием. Молю ўбо тя, хранітелю  
мой, да твоїм ходатайством сподоблюся, при исхѣде  
душі моея из телесѣ прича́стник бы́ти Пречістаго  
Тѣла и святѣйшия Крѣве моего Спасителя, яко да  
укрепївся сѣю нетлѣнною пїщею и животворящим  
питиѣм, безтрепетно преїду во ин мир, воспева́я тя,  
моего благодѣтеля:

Ра́дуйся, яко данá ти есть власть и сїла отража́ти  
де́монская на мя нападе́ния; ра́дуйся, яко прїял есї  
от Бо́га крѣпость на побежде́ние невидимых врагов  
моих.

Ра́дуйся, яко от всякаго злоде́йства и ко́зней  
диáвольских могїй изба́вити мя; ра́дуйся, яко го́рьких  
мыта́рств нача́льника, лютаго миродѣржца  
нападе́ния от мене́ отрева́еши.

Ра́дуйся, яко, огражда́емый твоїм прису́тствием,  
їмам наде́жду в час смѣрти не устраши́тися мра́чных  
лиц духо́в злѣбы; ра́дуйся, яко храні́мый тобою,  
упова́ю безбе́дно преїти́ возду́шная мыта́рства.

Рáдуйся, я́ко укрепля́емый тво́ею по́мощию, ча́ю не  
уде́ржан бы́ти вне врат ра́я, ми вожде́леннаго;  
ра́дуйся, я́ко тво́е за мя предста́тельство си́льно есть  
пред Бо́гом, е́же не вве́ржену ми бы́ти во тьму  
кроме́шную.

Рáдуйся, я́ко при́сно внуша́еши ми умило́стивляти  
Го́спода слеза́ми пока́яния, да изба́влюся ге́енны  
а́дския; ра́дуйся, я́ко побужда́еши мя день и но́щь  
моли́тися, да не по́слан бу́ду со де́моны му́читися.

Рáдуйся, неотсту́пный мой руководи́телю и пе́стуне;  
ра́дуйся, кре́пкий мой засту́пниче и ско́рый  
помо́щниче.

Рáдуйся, А́нгеле Госпо́день, неусыпа́емый храни́телю  
мой.

### **Кондак 11**

Пе́ние си́е, а́ще и от усер́дия моего́ ти прино́симое,  
святы́й храни́телю мой, вем, я́ко не дово́льно есть ко  
изъявле́нию моего́ серде́чнаго благода́рения за вся  
блага́я, я́же ми сотвори́л еси́ и не преста́еши твори́ти  
да́же до сего́ дне и ча́са; но и о сем молю́ ти ся,  
общаго ми с тобо́ю Созда́теля уми́лостиви, да на  
Стра́шнем Суде́ Своём шу́ия ча́сти изба́вит мя и  
сподо́бит со все́ми святы́ми воспева́ти Ему́:  
Аллилу́иа.

### **Икос 11**

Светильник мой угасё, елёа же благіх дел, во ёже  
возжещі и, несть ми; и где обрящуся аз, окаянный,  
сном греховным отягчённый, егда постигнет мя  
внезапу полунощь, час кончины моея? Но да не  
услышу и аз, якоже юродивыя дёвы, грóзнаго гла́са  
Жениха: не вем тя! Помози ми, неусыпаемый  
хранителю мой, наполнити сосúды души́ моея елёем  
благіх дел, пáче же милосёрдия и смирёния. Нýне  
же приими́ от менé сие́ пёние:

Рáдуйся, Еди́наго Го́спода имéти в рáзуме прісно ми  
внушáяй; рáдуйся, за́поведь о любви́ к Немú,  
преблагóму, в сёрдце моём обновля́яй.

Рáдуйся, любіти Егó, Создáтеля, всем умóм и всем  
помышлénием мя побуждáяй; рáдуйся, и к блі́жним  
искреннюю любóвь мою́ Богоугóдну бы́ти  
непрестáнно ми напомина́яй.

Рáдуйся, любіти их не слóвом или́ язы́ком, но дéлом  
и істиною мя поучáяй; рáдуйся, во всех нýждах их  
помогáть желáние ми влагáяй.

Рáдуйся, утешáти скорб́ящих, заступáти обідимых  
мя наставля́яй; рáдуйся, от имéний своїх удел́яти  
бédным и неимúщим сёрдце моё преклоня́яй.

Рáдуйся, и дýшу мою́, по за́поведи Спасітеля,  
положіти за дрúги своя́ готóву ми бы́ти возбуждáяй;  
рáдуйся, закрывáяй очеса́ моя́, ёже не зрéти ми  
прегрешéния брата́ моего́.

Ра́дуйся, не попуща́яй ми осужда́ти поползну́вшагося на грех б́лижняго моего́; ра́дуйся, воспрещáяй ми я́ти ве́ру оглаго́льником клеврета́ моего́.

Ра́дуйся, А́нгеле Господень, неусыпа́емый храните́лю мой.

### **Кондак 12**

Благода́ть дана́ ти есть от Всемо́гущаго Го́спода, святы́й покрови́телю мой, е́же храни́ти мя на всех путéх моих, да не о ка́мень ко́его собла́зна преткне́тся нога́ моя, до́ндеже мя предста́виши Христу́ Бо́гу спасе́на, Ему́же немóлчно вся Си́лы Небе́сныя вызы́ают: Аллилу́иа.

### **Икос 12**

Пою́ Твое́ досточу́дное милосе́рдие и мно́гое снисхожде́ние, быстродви́жный уме́, безплóтный слугó Господень: я́ко не гнуша́ешия грехóвныя моея́ смра́дности и не prestáеши приноси́ти о мне, непотрѣбнем, святы́я моли́твы своя́ ко святѣйшему престóлу Триипоста́снаго Бо́га, е́же не погѣбнути ми во ве́ки, но Ца́рствие Небе́сное насле́довати. Благоволи́ убо прия́ти от душе́вных сокрови́щ моих приноси́мое ти песнопѣние:

Ра́дуйся, я́ко воспомина́нием грядúщаго грóзнаго Суда́ Бо́жия от грехóв мя отрѣва́еши; ра́дуйся, я́ко ду́шу мою́, áки невесту́, ко срѣтению́ прекра́снаго Жени́ха Христа́ предуготовля́ти возбужда́еши мя.

Ра́дуйся, я́ко при́сно жела́еши досто́йна мя  
сотвори́ти бра́чнаго черто́га Егó; ра́дуйся, я́ко вѣ́ну  
учи́ша мя возжигáти свети́льник души́ моея́, да с  
му́дрыми де́вами, ду́шами пра́ведных, вни́ду в онь.

Ра́дуйся, я́ко грехо́вныя оде́жды моея́ совлачи́тися  
побужда́еши мя; ра́дуйся, я́ко в ри́зу непоро́чности и  
чистоты́ обле́чися ми спосо́бствуеши.

Ра́дуйся, я́ко ходáтайствуеши, да на Стра́шнем Суде́  
Христо́вом одесну́ю Егó ста́ти сподо́блюся; ра́дуйся,  
я́ко умоля́еши благоутро́бие Бо́жие, да ли́ку  
избра́нных Свои́х сопричтёт мя.

Ра́дуйся, я́ко подвижа́еши на моли́тву ко Го́споду и  
сожи́телей твои́х небес́ных, да вселит́ мя с ни́ми во  
Ца́рствии Своём; ра́дуйся, до́брый и бо́дрый  
блюсти́телю мой.

Ра́дуйся, тёплый о́ мне, греш́нем, моли́твенниче и  
благий́ предста́телю; ра́дуйся, по Го́споде Бо́же и  
Пресвяте́й Богоро́дице крёпкое моё упова́ние.

Ра́дуйся, А́нгеле Госпо́день, неусыпа́емый храни́телю  
мой.

### **Кондак 13**

О пресла́вный и у́мный све́те, А́нгеле Бо́жий! Приими́  
благодáрственное си́е и моле́бное пѣ́ние, и, егда́  
и́мам от земли́ воста́ти на Суд, покажи́ тогда́  
милосе́рдие твоё на мене́, греш́нем: предста́ни близ

мене́ тих и ра́достен, наде́ждою спасе́ния отъе́мля  
страх мой, да в селе́ниях ра́йских сподо́блюся вку́пе  
с тобо́ю во ве́ки веко́в воспева́ти преве́чному Царю́  
сла́вы: Аллилу́иа.

*[Сей конда́к глаго́лется трѳжды.]*  
*[Далее повторяем 1-е икос и кондак:]*

### **Икос 1**

А́нгеле святы́й, по́сланный с Небесе́, во е́же хранѳти  
меня́ и руководи́ти во всей жи́зни мое́й, припа́дая молю́  
ти ся: сам наста́ви и вразумѳ меня́, начина́юща от  
серде́чныя любве́ и усер́дия возглаша́ти пе́сенныя  
ти хвалы́:

Ра́дуйся, А́нгеле Бо́жий, предста́телю мой у  
Пресвяты́я Тро́ицы; ра́дуйся, Царя́ ца́рствующих  
безплóтный во́ине.

Ра́дуйся, Го́спода госпо́дствующих небесный слугó;  
ра́дуйся, у́мных и невестче́ственных слуг Его́  
сожи́телю.

Ра́дуйся, творя́й при́сно во́лю Влады́ки своегó;  
ра́дуйся, прие́мый от Бо́га повеле́ние и власть  
хранѳти ду́шу мою́.

Ра́дуйся, никогда́же отлуча́йся мене́, грешнаго;  
ра́дуйся, вы́ну спребыва́яй ми, недостóйному.

Рáдуйся, соблюдáяя мя на всех путéх мо́их; рáдуйся, сохраня́яя мя от вся́кого зла.

Рáдуйся, от Бо́га да́нный ми руководи́телю на путéх жити́я моего́; рáдуйся, благи́й мой наста́вниче.

Рáдуйся, А́нгеле Госпо́день, неусыпа́емый храните́лю мой.

### **Кондак 1**

Избра́нный от Го́спода Бо́га на хране́ние ду́ши моея́ и телесе́, святы́й А́нгеле, похва́льная ти воспева́ти дерза́ю, недостóйный раб твой; ты же, я́ко имéяя дерзнове́ние к Царю́ Небе́сному, от вся́ких мя бед и скорбе́й, от враг ви́димых же и неви́димых защити́, зову́ща:

Рáдуйся, А́нгеле Госпо́день, неусыпа́емый храните́лю мой.

### **Моли́тва**

О, святы́й А́нгеле, храните́лю и покрови́телю мой благи́й! С сокруше́нным се́рдцем и боле́зненною душе́ю предстою́ ти, моля́ся: услы́ши мя, грешнаго раба́ своего́ (и́мя), с во́плем крѣпким и пла́чем го́рьким вопи́ющаго. Не помяни́ мо́их беззако́ний и неправд, и́миже аз ока́янный прогневлáю тя по вся дни и часы́, и ме́рзостна себѣ творю́ пред Созда́телем на́шим Го́сподем. Яви́ся мне милосе́рд и не отлучáйся мене́ скве́рнаго да́же до кончи́ны моея́. Возбуди́ мя от сна грехо́внаго и посóбствуй тво́ими моли́твами проче́е вре́мя живота́

моего́ без поро́ка прейти́ и сотвори́ти плоды́ досто́йны  
покая́ния, па́че же от сме́ртных паде́ний грехо́вных  
соблюди́ мя, да не поги́бну во отча́янии и да не  
пора́дуется враг о поги́бели мое́й. Вем вои́стинну и усты́  
испове́дую, я́ко никто́же тако́в друг и предста́тель,  
защи́титель и поборо́ник, я́коже ты, святы́й А́нгеле.  
Предстоя́ бо Престо́лу Господню́, мо́лишися о мне  
непотре́бнем и па́че всех грешнейшем, да не изы́мет  
Преблагый ду́шѣ мое́й в день неча́яния моего́ и в день  
творе́ния зло́бы. Не преста́й у́бо умило́стивля́я  
Премило́сэрдаго Го́спода и Бо́га моего́, да отпу́стит  
согреше́ния моя́, я́же сотвори́х во всем жити́и моём,  
де́лом, сло́вом и все́ми мои́ми чу́вствы, и и́миже весть  
судьба́ми да спасе́т мя, да нака́жет мя zde по Сво́ей  
неизрече́нной ми́лости, но да не обличи́т и не истя́жет  
меня она́мо по Своему́ нелицепри́ятному правосу́дию, да  
сподо́бит мя покая́ние прине́сти, с покая́нием же  
Божество́нное Причаще́ние досто́йне при́яти, о сем па́че  
молю́, и тако́ваго да́ра всеу́сердно жела́ю. В стра́шный  
же час сме́рти неотсту́пен бу́ди ми, бла́гий Храни́телю  
мой, прогоня́я мра́чныя де́моны, иму́щия устраши́ти  
притре́петную ду́шу мою́. Защи́ти́ мя от тех ловле́ния,  
егда́ и́мам преходи́ти возду́шная мыта́рства, да храни́м  
тобо́ю, безбе́дно дости́гну ра́я ми вожде́леннаго, иде́же  
ли́цы святы́х и го́рних сил непреста́нно восхва́ляют  
всечестно́е и велико́лепое и́мя в Тро́ице сла́вимаго  
Бо́га, Отца́ и Сы́на и Свята́го Ду́ха, Ему́же подоба́ет  
честь и поклоне́ние во ве́ки веко́в. Ами́нь.